

# 2011 Manitoba Onashowaadeg Mooshka'ogowin Ji-onaakonigaadeg

*Bigo awiya gaa-gii-ayaad Pinaymootang, Gaa-giishkigamigaag, Obashkodeyaang gemaa Zaaskajiwaning  
gii-ayaawaad omaa Manitoba 2011 gaa-akiiwang apii gaa-mooshka'ang:*

## GIIZHAAKONIGEWIN

Imaa Manitoba Onashowewigamigong ogii-giizhaakonaanaawaa' aaniin gaa-izhiwebiziwaad Pinaymootang, Gaa-giishkikamigaag, Obashkodeyaang zhidwa Zaaskajiwaning onji Anishinaabeg apii 2011 gaa-akiiwang gaa-mooshka'ogowaapan.

Aana-gii-debimaasiwindwaa, Manitoba Gichi-ogimaawin zhidwa Canada inaakonigewag wii-diba'igewaad **\$90,283,000.00**. Da-dago-diba'amawaawag naadamaagewininiwag (wiijichigewaad) zhidwa gaa-inagindenig owe izhichigewin.

Gakina Pinaymootang, Gaa-giishkikamigaag, Obashkodeyaang, Zaaskajiwaning onji apii gaa-mooshka'ang 2011 gaa-akiiwang omaa Manitoba daa-gagwedwewag ji-diba'amawindwaa ji-meshkwaji-ayaawaad gaa-gii-izhiwebiziwaad.

- Meshkwaji-ayaawin Diba'igewin: Awiya gaa-gii-mooshka'ogowaad 2011 gaa-akiiwang, giishin ji-gii-maajigoziwaad gemaa gii-gibichiiwaad aana-gii-zanaganinig odishkoniganiwaang. Da-onachigaadeni ingiwe giishpin gii-gibichiiwaad gemaa gii-maajigoziwaad imaa onji niwin ishkonganan.
- Bebikish Izhiwebiziwin: Nenishike awiyag da-gagwedwewag ji-diba'amawindwaaban gegoon gii-wanitoowaad, gii-gashkichigesigwaa, gegoon gii-maanzhisewaad apii 2011 gaa-mooshka'ang mashi diba'igaadesinonig.

Gii-onachigaade diba'igewin awenenag minik gaa-anda-gagwedwewaad ji-diba'amawindwaaban, zanagan ji-aginjiigaadeg aaniin minik ebid zhooniyaawiyag ge-miinindwaaban.

## GAGWEDWEWIN DIBA'IGEWIN

Ji-gagwedweyan diba'igewin imaa Giizhaakonigewining, wiijiwesewaad imaa ji-mooshkinebii'igewaad gaa-niigaanishkaminid onji iwe onaakonigewin, ji-ayaajigaadegin gakina mazina'igan ge-andawenjigaadegin, ji-izhiwijiigaadegin gemaa giin igo ji-anda-miigiweyan aandi dezhanjiigaadegin jibwaa **July 17, 2018** bagamiseg.

Ezhi-dibendaagoziwaad owe izhichigewin ji-mooshkinebii'igewaad jibwaa giizhisenig gemaa gaawin gegoo da-ondizisiwag imaa giizhaakonigewining.

Wiindamaage mazina'ignan gidaa-ondinaanan ji-mooshkinebii'aman maagonaman owe **[www.manitobafloodclassaction.com](http://www.manitobafloodclassaction.com)** maagoniganing gemaa gidaa-ganoonaa gaa-niigaanishkang niisaya'ii omaa

## AWASHIME JI-GIKENDAMAN

GAAWIIN onashowewigamig da-wiindamaagesiwag gegoon omaa IZHICHIGEWINING. Giishin gegoon noonde-gagwedweyan owe izhichigewin onji gemaa wii-gagwedweyan diba'igewin, gidaa-wiindamaag gaa-niigaaniid omaa izhibii'igeyan gemaa izhi-giigidoyan.

**Maagoniganing:** [manitobaflood@ricepoint.com](mailto:manitobaflood@ricepoint.com)  
**Diba'igesivan giigidowin:** 1-866-934-0509

## GEGOON JI-MINJIMENDAMAN:

**Wiindamaagewin Maama'oobing:**

**RBC Convention Centre (Winnipeg, MB):**

**April 24 apii 11 a.m. akoo 8 p.m.**

**April 25 apii 10 a.m. akoo 4 p.m.**

**Gypsumville Hall (Gypsumville, MB):**

**April 26 apii 11 a.m. akoo 8 p.m.**

**April 27 apii 10 a.m. akoo 4 p.m.**

**Giizhiseg Diba'igewin onji:  
Tuesday, July 17, 2018**